

Arkiv: FA-U01
JournalpostID: <jplD> 20/20065
Saksbehandlar:
Dato: 18.04.2020

Saksframlegg

Saksnr.	Utvalg	Møtedato
030/20	Utval for næringsutvikling og drift	29.04.2020

Søknad til næringsfondet - NONL - Forretningsanalyse for ny grøn næringsutvikling - Mongstad Industrial park
Rådmannen sitt framlegg til vedtak:

Prosjektet «Forretningsanalyse nye grønne arbeidsplasser Mongstad Industrial Park» blir tildelt kr 250 000 frå Næringsfondet i 2020.

Utval for næringsutvikling og drift 29.04.2020:

Behandling:

Utvalet handsama saka for "lukka dører".

Utvalet vedtok samrøystes rådmannen sitt framlegg.

ND- 030/20 Vedtak:

Prosjektet «Forretningsanalyse nye grønne arbeidsplasser Mongstad Industrial Park» blir tildelt kr 250 000 frå Næringsfondet i 2020.

Politisk handsaming

Saka skal avgjerast i utval for næringsutvikling og drift.

Bakgrunn

Mongstad Industrial Park (MIP) er ei av Norges største industriklynger, med 133 bedrifter og nærare 2500 arbeidsplassar. Industriparken forvaltar eit av Norges største næringsareal for ny industrietablering med kritisk infrastruktur og havnefasiliteter.

Nordhordland Næringslag, Industriutvikling Vest og Alver kommune har etablert eit privat/offentleg utviklingsprosjekt for ei langsiktig omstilling av Mongstad Industrial Park «Green Spot Mongstad». Det er etablert eit interimsstyre for prosjektet som består av dei toneangjevande næringsaktørane i Mongstad Industrial Park, kor NONL er prosjektleiar. Det er interimsstyret som er bestillar av forretningsanalysen, men sidan MIP enno ikkje har eit organisasjonsnummer så er NONL søkjar på vegne av konsortiumet.

Green Spot Mongstad har mottatt oppstartstønad frå Lindås kommune sitt næringsfond med kr 100 000 i 2019 og 1.5 m NOK frå Hordaland fylkeskommune.

Saksopplysninger:

Om prosjektet

Det omsøkte prosjektet skal gjennomføre ein forretningsanalyse som skal identifisere nye grønne industrielle moglegheiter, MIPs komparative fortrinn som grunnlag for ein ny og felles strategi for heile Mongstad-samfunnet. Forretningsanalysen vil gi Alver kommune eit viktig kunnskapsgrunnlag for det vidare arbeidet med kommunen sitt planarbeid og næringsstrategi.

Interimsstyret har tildelt oppdraget til konsultentselskapet EY. Prosjektet skal utarbeide ein tiltaksplan med vidare aksjonar, der infrastruktur på Mongstad vil vere eit sentralt fokusområde.

Målsetting for prosjektet:

- Auke diversifiseringa av industrimixen på Mongstad
- Auke antal arbeidsplassar (innan 5-7 år)
- Auke antal «grønne» verksemder /investeringsprosjekt
- Identifisere ein tiltaksplan for framtidig investering av kritisk infrastruktur

Effektmål av prosjektet:

- Meir robust og diversifisert næringsklynge på MIP
- Sikre lokale arbeidsplassar til viktige lokalsamfunn i Alver
- Auke konkurransekrafta for verksemder på Mongstad

Prosjektet består av 4 fasar (refr slide 5 i vedlegg til saka):

FASE 1: MIP komparative fortrinn for ny industrietablering og O-punkt analyse

FASE 2: Identifisere nye grønne næringsområde

FASE 3: Infrastruktur for å kunne omsette på nye grønne marknadsmulegheiter

FASE 4: Strategi og handlingsplan for vidare aksjonar

Forventa ferdigstilling er juni 2020. Under forutsetning av at Alver kommune innvilgar NOK 250 000 til prosjektet for å sikre fullfinansiering og gjennomføringen av alle fasar av prosjektet.

Vurdering

- MIP er Alver sitt største næringsområde for framtidig arbeidsplassutvikling og verdiskaping.
- Samstundes er MIP hardt råka av koronakrisa og fallande oljeprisar
- Prosjektet vil vere eit viktig felles kunnskapsgrunnlag for ein felles strategi for næringsvekst og arbeidsplassutvikling i Alver kommune
- Prosjektet er eit samarbeidstiltak mellom private og offentlege aktørar og vil bidra til ei omstilling og nyskaping i næringslivet på MIP

Vedlegg i saken:

22.04.2020	Søknad_Næringslag søknad Næringsfondet (L)(76774)	1376074
22.04.2020	N_ Næringslag GSM konsulentavtale (L)(76776)	1376075